

## A I R E A M H.

4 Agus thubhairt an Tighearna re Maois, Glac cinnfheadhna an t-sluaigh uile, agus croch suas iad 'an lathair an Tighearna fa chomhair na gréine, chum as gu'm pill corruich gharg an Tighearn o Israel.

5 Agus thubhairt Maois re breitheamhnaibh Israeil, Marbh-aibh gach aon agaibh a dhaoine, a cheangail iad féin re Baal-peor.

6 Agus feuch, thàinig fear do chloinn Israeil, agus thug e chum a bhràithre Ban-mhidianaich ann an sealladh Mhaois, agus ann an sealladh co'-chruinnich' chloinn Israeil uile, agus iad a' gul aig dorus pàilliun a' choi'-thionail.

7 Agus an uair a chunnaic Phinehas mac Eleasair, mhic Aaroin an t-sagairt e, dh'éirich e suas o mheasg a' cho'-chruinnich, agus ghabh e fleagh 'na làimh;

8 Agus chaidh e 'n déigh an duine do Israel a steach do'n bhùth, agus thro'-lot e iad<sup>a</sup> le chéile, an duine do Israel, agus a' bhean tre broinn: mar sin choisgeadh a' phlàigh o chloinn Israeil.

9 Agus bhàsaich 'fa' phlàigh, ceithir mìle thar fhichead.

10 Agus labhair an Tighearna re Maois, ag ràdh,

11 Phill Phinehas mac Eleasair, mhic Aaroin an t-sagairt, mo chorruich air falbh o chloinn Israeil, an uair a bha e eudmhor<sup>b</sup> as mo leth 'nam measg, air chor as nach do chuir mi as do chloinn Israeil a'm' eud.

12 Air an aobhar sin abair,

Feuch, bheir mise dha mo choi': cheangal<sup>c</sup> sith.

13 Agus bithidh e aige, agus aig a fhliochd 'na dhéigh, *eadhon* coi'-cheangal fagartachd shiorruidh; a chionn gu'n robh e eudmhor as leth a Dhé, agus gu'n d'rinn e réite air son chloinn Israeil.

14 A nis *b'e* ainm 'an Israelich a mharbhadh, *eadhon* a mharbhadh maille ris a' Bhan-mhidianaich, Simri mac Shalu, ceannard prìomh<sup>d</sup> thighe am measg nan Simeonach.

15 Agus *b'e* ainm na Ban-mhidianaich a mharbhadh, Cosbi nighean Shur; *bu* cheann cinich e, agus do phrìomh thigh ann am Midian.

16 Agus labhair an Tighearna re Maois, ag ràdh,

17 Buin gu naimhdeil ris<sup>e</sup> na Midianaich, agus buailibh iad:

18 Oir tha iadfan a' buntuinn gu naimhdeil ribhse le'n as-inn-leachdaibh, leis an do mheall iad sibh, ann an aobhar<sup>f</sup> Pheoir agus ann an aobhar Chosbi, nighinn ceannaird do Mhidian am peathar, a mharbhadh ann an là na plàigh ann an aobhar Pheoir<sup>g</sup>.

## C A I B. XXVI.

**A** G U S tharladh 'an déigh na plàigh, gu'n do labhair an Tighearna re Maois, agus re Eleasar mac Aaroin an t-sagairt, ag ràdh,

2 Gabhaibh àireamh co'-chruinnich chloinn Israeil uile, o fhichead bliadhna dh'aois agus os a chionn, tre thigh an aithreacha, iadfan uile a's *urrainn*